

〔播磨風土記神前郡〕聖岡里○註土下々、所以號聖岡者、昔大汝命與小比古尼命相爭、云擔聖荷而遠

行、與不下屎而遠行、此二事何能為乎、大汝命曰、我不下屎欲行、小比古屋命曰、我持聖荷欲行、如是相

爭而行之、經數日、大汝命云、我不能忍行、即座而下屎之、爾時小比古尼命笑曰、然苦亦擲其聖於此岡、

故號聖岡、又下屎之時、小竹彈上其屎、行於衣、故號波自加村、其聖與屎成石、于今不亡、一家云、品太天

皇○應巡行之時、造宮於此岡、勅云、此土為聖耳、故曰聖岡○中

川邊里○勢賀川土中下、此村居於川邊、故號川邊里○中

高岡里○神前山奈土中々、右云高岡者、此里有高岡、故號高岡○中

多馳里○註土所以號多馳者、品太天皇巡行之時、大御伴人、佐伯部等始祖阿我乃古申欲請此土、爾

時天皇勅云、直請哉、故曰多馳○中

蔭山里○陸岡土中下、云蔭山者、品太天皇御蔭墮於此山、故曰蔭山、又號蔭岡、爾除道刃鈍、仍云磨布理

許、故云磨布理村○中

的部里○石坐神山、土中々、右的部等、居於此村、故曰的部里、

〔播磨風土記託賀郡〕賀負里○大海山土下上、右因居川上為名○中

黑田里○袁布山、支閉土下上、右以土黑為名○中

都麻里○註土上下、所以號都麻者、播磨刀賣與丹波刀賣界國之時、播磨刀賣到於此村、汲井水而食之、

云、此水有味、故曰都麻、

法太里○龜坂花土下上、所以號法太者、讚伎日子與建石命相鬪之時、讚伎日子負而逃去、以手匍去、故

云、匍田、

〔播磨風土記賀毛郡〕上鴨里○土中上

下鴨里○土中中、右二里、所以號鴨里者、已詳於上○賀但後分為二里、故曰上鴨下鴨○中